

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA  
29 DE OUTUBRO DE 2015.-**

**ÍNDICE DE PUNTOS**

Punto Primeiro.- Toma de posesión como concelleiro de Francisco Javier Olmo Olmo.....	4
Punto Segundo.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.....	4
Punto Terceiro.- Información periódica a render ao Pleno correspondente ao 3º trimestre do exercicio 2015:.....	4
Punto Cuarto.- Aprobación, se procede, de actas anteriores.....	5
Punto Quinto.- Aprobación transferencia de crédito 16/2015.....	5
Punto Sexto.- Aprobación crédito extraordinario 2/2015.....	5
Punto Sétimo.- Aprobación suplemento de crédito 2/2015.....	6
Punto Oitavo.- Aprobación provisional da modificación da Ordenanza fiscal reguladora do imposto sobre bens inmoables.....	8
Punto Noveno.- Aprobación provisional da modificación da Ordenanza fiscal reguladora do imposto sobre actividades económicas.....	15
Punto Décimo.- Aprobación provisional da modificación da Ordenanza fiscal reguladora do imposto sobre vehículos de tracción mecánica.....	20
Punto Décimo Primeiro.- Aprobación provisional da modificación da Ordenanza fiscal xeral de xestión, recadación e inspección dos tributos e doutros ingresos de dereito público do Concello de Ames.....	26
Punto Décimo Segundo.- Aprobación provisional da modificación da Ordenanza fiscal reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa.....	27
Punto Décimo Terceiro.- Aprobación provisional da Ordenanza fiscal da taxa pola utilización privativa ou aproveitamento especial do dominio público local mediante caixeiros automáticos. ....	30
Punto Décimo Cuarto.- Moción presentada polo grupo municipal Pacto x Ames, con rexistro de entrada núm. 11.395, de 17 de outubro de 2015.....	32

C.I.F.: P - 1500200 - I

;.I.F.: P - 1500200 - I

**ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA**

**CERTIFICO:** QUE O PLENO DESTE CONCELLO LEVOU A CABO SESIÓN ORDINARIA O 29 DE OUTUBRO DE 2015. DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 29 DE OUTUBRO DE 2015.**

No Salón de Sesiós da Casa do Concello de Ames, ás vinte horas e trinta minutos (20:30) do día 29 de outubro de 2015, reúnese o Pleno do Concello en sesión ordinaria de primeira convocatoria, baixo a presidencia do señor alcalde, **José M. Miñones Conde**, e coa asistencia das/os señoras/os concelleiras/os seguintes:

Grupo municipal Popular	Santiago V. Amor Barreiro
	Alberto Piñeiro Rodríguez
	Mª Oliva Agra Costoya
Grupo municipal Socialista	José M. Miñones Conde
	Luisa Feijoo Montero
	José Blas García Piñeiro
	Mª Isabel González Cancela
Grupo municipal IC- Ames Novo	Mª Pilar Candocia Pita
	Mª Jesús Bóo Feijóo
	Xaime Subiela Pérez
	Roberto Amarelle Garabán
Grupo municipal Contigo Pódese	Genma Otero Uhía
	Catuxa García Mallo
	Silvia Dapena Liñares
Grupo municipal Pacto X Ames	Ramón García Argibay
	Mª Dolores Fernández Álvarez
	María González Gómez
Grupo municipal BNG-Asembleas Abertas	David Santomil Mosquera
	Mª Isabel Vaquero Quintela
Grupo municipal Ciudadanos - Partido da Cidadanía	Francisco J. López Suárez

Asiste tamén Francisco Javier Olmo Olmo que toma posesión do seu cargo.

Asiste o **interventor**, José Antonio Rueda de Valenzuela.

Asiste a **tesoureira**, Mª Belén Rodríguez Tourón.

Actúa como **secretaria** a titular da Corporación, Rosa Ana Prada Queipo.

Antes de dar comezo a orde do día, o señor alcalde solicita que ante un novo caso de violencia de xénero dunha muller asasinada en Vigo, se garde un minuto de silencio.

A Corporación, posta en pé, garda un minuto de silencio en memoria da ultima vítima de violencia de xénero.

**ORDE DO DÍA:**

**Punto Primeiro.- Toma de posesión como concelleiro de Francisco Javier Olmo Olmo.**

Informa o señor alcalde, **José M. Miñones Conde**, que o Pleno da Corporación en sesión celebrada o 24 de setembro 2015, tomou coñecemento da renuncia ao cargo de concelleira de Ana Ruso Valiña, pertencente ao Grupo Municipal Popular.

Informa que foi solicitada á Xunta Electoral Central a expedición da credencial a favor do seguinte candidato da lista na que se produciu a vacante que resultou ser Francisco Javier Olmo Olmo. Informa tamén que recibida credencial con data 9 de outubro de 2015 e unha vez cumpridos os requisitos legalmente aplicables procede darlle posesión como concelleiro desta Corporación.

De seguido, Francisco Javier Olmo Olmo toma posesión do cargo de concelleiro, previo acto de acatamento á Constitución.

Rematado o acto formal de toma de posesión o novo concelleiro ocupa asento entre os seus compañeiros de Corporación.

#### **A) PARA DAR CONTA**

##### **Punto Segundo.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.**

O señor alcalde, **José M. Miñones Conde**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento, na Secretaría Xeral do Concello, así como nos distintos departamentos nos que foron elaborados e que ditos decretos foron remitidos por vía telemática aos señores/as concelleiros/as.

##### **Punto Terceiro.- Información periódica a render ao Pleno correspondente ao 3º trimestre do exercicio 2015:**

**1º.- Execución do orzamento ao remate do 3º trimestre do exercicio 2015, en execución do acordo plenario de data 26/08/2010.**

**2º.- Período medio de pago, de acordo co previsto no Real decreto 635/2014, de 25 de xullo.**

**3º.- Información trimestral de Morosidade.**

O señor alcalde, **José M. Miñones Conde**, da conta do informe de Intervención e Tesourería (informe de intervención 258/2015), emitido en data 26/10/2015 e a documentación en formato dixital que se xunta a aquel.

Neste punto da orde do día, o señor alcalde **José M. Miñones Conde**, da conta á Corporación do decreto 1930/2015 sobre a aprobación da liquidación orzamentaria correspondente ao exercicio 2014.

#### **B) PARA DELIBERACIÓN E ACORDO.**

##### **Punto Cuarto.- Aprobación, se procede, de actas anteriores.**

(.....)

Sometida a votación a acta da sesión do Pleno de 24 de setembro de 2015, resulta aprobada por maioría absoluta dos membros presentes, coa abstención do concelleiro Francisco Javier Olmo Olmo por non ter estado presente nesa sesión, e o voto favorable do resto dos/as concelleiros/as.

##### **Punto Quinto.- Aprobación transferencia de crédito 16/2015.**

(.....)

Rematadas as intervencións, o Pleno da Corporación, por unanimidade dos seus membros presentes adopta os seguintes acordos:

**Primeiro.-** Aprobar inicialmente a transferencia de crédito 16/2015 por importe de 120.000 euros, co seguinte detalle:

Aplicacións a minorar:

162.1 227.00.		120.000,00 €
	TOTAL	120.000,00 €

Aplicacións a aumentar:

941 751.01	202.00	120.000,00 €
	TOTAL	120.000,00 €

**Segundo.-** Someter dito acordo de aprobación inicial a exposición pública por prazo de 15 días hábiles mediante anuncio no BOP, a efectos de exame e reclamacións.

De presentarse reclamacións serán resoltas polo Pleno da Corporación e para o suposto de non presentarse o acordo de aprobación inicial quedará elevado a definitivo de forma automática.

Unha vez producida a aprobación definitiva publicárase a transferencia de crédito 16/2015 resumida por capítulos, no BOP a efectos da súa entrada en vigor e simultaneamente remitirase copia á Administración Xeral do Estado e da Comunidade Autónoma.

**Terceiro.-** Facultar ó alcalde do Concello de Ames para cantas actuacións de trámite sexan precisas para a mellor execución do acordado.

#### **Punto Sexto.- Aprobación crédito extraordinario 2/2015.**

(.....)

Rematadas as intervencións, o Pleno da Corporación, por unanimidade dos seus membros presentes adopta os seguintes acordos:

**Primeiro.-** Aprobar inicialmente o crédito extraordinario 2/2015 por importe 8.328,10 euros, co seguinte detalle:

#### **Aplicacións de gasto.**

Programa	Económico	Importe
491	62300	8.328,10 euros
		8.328,10 euros

#### **Concepto de ingreso**

420.00	8.328,10 euros
	8.328,10 euros

**Segundo.-** Someter dito acordo de aprobación inicial a exposición pública por prazo de 15 días hábiles mediante anuncio no BOP, a efectos de exame e reclamacións.

De presentarse reclamacións serán resoltas polo Pleno da Corporación e para o suposto de non presentarse o acordo de aprobación inicial quedará elevado a definitivo de forma automática.

Unha vez producida a aprobación definitiva publicárase o crédito extraordinario 2/2015 resumida por capítulos, no BOP a efectos da súa entrada en vigor e simultaneamente remitirase copia á Administración Xeral do Estado e da Comunidade Autónoma.

**Terceiro.-** Facultar ó alcalde do Concello de Ames para cantas actuacións de trámite sexan precisas para a mellor execución do acordado.

#### **Punto Sétimo.- Aprobación suplemento de crédito 2/2015.**

(.....)

Rematadas as intervencións, o Pleno da Corporación, por unanimidade dos seus membros presentes adopta os seguintes acordos:

**Primeiro.-** Aprobar inicialmente o suplemento de crédito 2/2015 por importe de 594.420,39

euros, co seguinte detalle:

**Aplicacións de gasto**

Programa	Económico	Importe
1532	21000	39.000,00€
3231	21200	20.000,00 €
3231	21300	8.000,00 €
3321	22799	10.000,00 €
3341	20300	6.000,00 €
3341	21200	13.000,00 €
3341	21300	6.000,00 €
341	22400	10.000,00 €
342	21000	5.000,00 €
342	21300	40.000,00 €
342	22100	5.000,00 €
342	22110	3.000,00 €
342	22700	16.000,00 €
342	22799	6.000,00 €
1531	60900	2.416,67 €
1531	61900	5.642,42 €
1532	60900	58.520,49 €
1532	61900	53.483,00 €
1539	60900	2.057,00 €
1539	61900	15.747,13 €
1539	62300	10.315,53 €
1539	62500	786,50 €
160	62300	5.285,95 €
165	60900	12.859,40 €
171	60900	1.155,78 €
3232	62200	11.848,32 €
3232	62500	880,28 €
3233	62300	21.365,50 €
3231	62500	477,95 €
3262	62500	360,58 €
3231	62300	5.975,46 €
3321	62200	3.605,80 €
3321	62500	1.372,26 €
3341	62200	9.922,00 €
3341	62300	6.196,68 €
342	62200	23.461,90 €
342	62300	2.589,40 €
453	60900	9.613,66 €
453	61900	4.687,14 €



454	61900	21.134,59 €
920	62500	1.101,10 €
920	62600	2.516,80 €
920	62300	1.727,88 €
920	120.00	82.949,04 €
920	160.00	27.373,18 €

594.420,39 €

## Concepto de ingreso

	Importe
420.00	594.420,39 €

594.420,39 €

**Segundo.-** Someter dito acordo de aprobación inicial a exposición pública por prazo de 15 días hábiles mediante anuncio no BOP, a efectos de exame e reclamacións.

De presentarse reclamacións serán resoltas polo Pleno da Corporación e para o suposto de non presentarse o acordo de aprobación inicial quedará elevado a definitivo de forma automática.

Unha vez producida a aprobación definitiva publicárase o suplemento de crédito 2/2015 resumida por capítulos, no BOP a efectos da súa entrada en vigor e simultaneamente remitírase copia á Administración Xeral do Estado e da Comunidade Autónoma.

**Terceiro.-** Facultar ó alcalde do Concello de Ames para cantas actuacións de tramite sexan precisas para a mellor execución do acordado.

**Punto Oitavo.- Aprobación provisional da modificación da Ordenanza fiscal reguladora do imposto sobre bens inmobles.**

O concelleiro **Ramón García Argibay** anuncia dúas emendas in voce, consistentes a primeira en que o tipo do IBI se rebaixa ao 0.40 (que é o mínimo legalmente previsto), aducindo que as valoracións dos inmobles son moi altas en Ames. A segunda consiste en que se aplique unha bonificación para as vivendas que non teñen servizos básicos, como se fai en Santiago de Compostela.

O concelleiro **Santiago V. Amor Barreiro** solicita que conste en acta, que non lle pode dar os parabéns ao goberno respecto das modificacións que se presentan nesta ordenanza porque son modificacións das que solicitou información na Xunta de Voceiros e tamén por escrito e das que non obtivo resposta. Polo tanto, non pode saber a dimensión das mesmas porque non están cuantificadas.

A concelleira **Mª Pilar Candocia Pita** solicita que conste en acta que retiran a emenda presentada por escrito, con rexistro de entrada 11776, porque o goberno acaba de informar que dende un punto de vista técnico non resulta posible facer agora mesma esa modificación; pero solicita que se traballe para que nun futuro próximo se poda aplicar.

O **alcalde** intervéñ para dicir que as emendas do señor Argibay non se poden abordar; a da bonificación das vivendas que carecen de servizos básicos porque dende un punto de vista técnico neste momento non é posible, e a de baixar o tipo do IBI ao 0,40 porque non está informado pola Intervención municipal.

(.....)

Rematadas as intervencións, o Pleno da Corporación por maioría simple do número legal de membros, co voto a favor dos/as 4 concelleiros/as do grupo municipal Socialista, das 3 concelleiras do grupo municipal Contigo Pódese e dos/as 2 concelleiros/as do grupo

municipal Bloque Nacionalista Galego, e a abstención do resto dos/as concelleiros/as da Corporación Municipal, adopta os seguintes acordos:

**Primeiro.-** Aprobar provisionalmente a modificación da Ordenanza fiscal reguladora do Imposto sobre Bens Inmóbles, cuxo texto íntegro figura como anexo I deste acordo.

**Segundo.-** Publicar o dito acordo de aprobación provisional, por prazo de 30 días hábiles a efectos de exame e reclamacións, mediante anuncio no BOP, taboleiro de edictos e nun diario dos de maior difusión da Provincia.

Para o suposto de non presentarse reclamacións a aprobación provisional quedara elevada a definitiva de xeito automático, sen necesidade dun novo acordo plenario.

**Terceiro.-** O acordo definitivo, incluído o provisional elevado automaticamente a tal categoría e o texto íntegro da Ordenanza ou da súa modificación, deberá publicarse no B.O.P., sen que entre en vigor ata que se leve a cabo dita publicación.

**Cuarto.-** Facultar ó alcalde do Concello de Ames, para cantas actuacións de trámite sexan precisas para a mellor execución do acordado.

#### **Anexo I**

### **ORDENANZA FISCAL REGULADORA DO IMPOSTO SOBRE BENS INMOBLES**

#### **Artigo 1.º.-Fundamento e réxime.**

De acordo ó establecido no artigo 59 do texto refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, o Concello de Ames establece o imposto sobre bens inmóbles, cumprindo así o mandato imperativo contido no dito artigo.

O imposto sobre bens inmóbles rexerase neste municipio:

a) Polas normas reguladoras deste, contidas no texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, e polas demais disposicións legais e regulamentarias que complementen e desenvolvan esta lei.

b) Pola presente ordenanza fiscal.

#### **Artigo 2.º.-Natureza.**

O imposto sobre bens inmóbles é un tributo directo de carácter real que grava o valor dos bens inmóbles nos termos establecidos no RDLex 2/2004, de 5 de marzo, e na presente ordenanza.

#### **Artigo 3.º.-Feito imponible.**

1. Constitúe o feito imponible do imposto a titularidade dos seguintes dereitos sobre os bens inmóbles rústicos e urbanos e sobre os inmóbles de características especiais:

a) Dunha concesión administrativa sobre os propios inmóbles ou sobre os servizos públicos a que se atopen afectos.

b) Dun dereito real de superficie.

c) Dun dereito real de usufructo.

d) Do dereito de propiedade.

2. A realización do feito imponible que corresponda, dos definidos no apartado anterior pola orde nel establecido, determinará a non suxeición do inmovible ás restantes modalidades previstas neste.

3. No caso de que un mesmo inmovible se atope localizado en distintos termos municipais, entenderase, para os efectos deste imposto, que pertence a cada un deles pola superficie que ocupe no respectivo termo municipal.

#### **Artigo 4.º.-Clases de bens inmóbles para os efectos do imposto.**

Aos efectos deste imposto, terán a consideración de bens inmóbles rústicos, de bens inmóbles urbanos y de bens inmóbles de características especiais os definidos como tales nas normas reguladoras do Catastro Inmobiliario

#### **Artigo 5.º.-Supostos de non suxeición.**

Non están suxeitos ó imposto:

- As estradas, os camiños, as demais vías terrestres e os bens de dominio público marítimo-terrestre e hidráulico, sempre que sexan de aproveitamento público e gratuíto.

- Os seguintes bens inmóbles propiedade deste Concello:



a) Os de dominio público afectos ó uso público.

b) Os de dominio público afectos a un servizo público xestionado directamente polo Concello e os bens patrimoniais, excepto cando se trate de inmobles cedidos a terceiros mediante contraprestación.

#### **Artigo 6.º.-Exencións.**

1.-Estarán exentos os seguintes inmobles:

a) Os que sexan propiedade do Estado, das comunidades autónomas ou dos entes locais que estean directamente afectos á seguridade cidadá e ós servizos educativos e penitenciarios, así coma os que sexan propiedade do Estado afectos á defensa nacional.

b) Os bens comunais e os montes veciñais en man común.

c) Os da Igrexa católica, nos termos previstos no Acordo entre o Estado español e a Santa Sede sobre asuntos económicos, do 3 de xaneiro de 1979, e os das asociacións confesionais non católicas legalmente recoñecidas, nos termos establecidos nos respectivos acordos de cooperación subscritos en virtude do disposto no artigo 16 da Constitución.

d) Os da Cruz Vermella Española.

e) Os inmobles ós que sexa de aplicación a exención en virtude de convenios internacionais en vigor e, a condición de reciprocidade, os dos Gobernos estranxeiros destinados á súa representación diplomática, consular ou ós seus organismos oficiais.

f) A superficie dos montes poboados con especies de crecemento lento regulamentariamente determinadas, que teñan coma aproveitamento principal a madeira e a cortiza, sempre que a densidade do arborado sexa a propia ou normal da especie de que se trate.

g) Os terreos ocupados polas liñas de ferrocarrís e os edificios encravados nos mesmos terreos, que estean adicados a estacións, almacéns ou a calquera outro servizo indispensable para a explotación das ditas liñas. Non están exentos, polo tanto, os establecementos de hostalería, espectáculos, comerciais e de ocio, as casas destinadas a vivendas dos empregados, as oficinas da dirección nin as instalacións fabrís.

2.-Igualmente, previa solicitude, que deberá ser presentada antes da data do devengo, incluíndo a acreditación do cumprimento dos requisitos esixibles para a aplicación da exención, estarán exentos:

a) Os bens inmobles que se destinen ó ensino por centros docentes acollidos, total ou parcialmente, ó réxime de concerto educativo, en canto á superficie afectada ó ensino concertado. Esta circunstancia acreditarase mediante:

- Certificado da Administración educativa correspondente, acreditativa da condición de centro concertado, asinable ós edificios e instalacións destinadas directa e exclusivamente ás actividades docentes obxecto de concerto.

- Informe da Dirección Xeral do Centro de Xestión Catastral e Cooperación Tributaria acreditativo das superficies dos edificios ou conxuntos urbanísticos, adscritos exclusivamente á actividade educativa ou a servizos complementarios da ensinanza e de asistencia docente de carácter necesario, coa indicación do valor catastral asignado a cada un dos elementos citados.

Esta exención deberá ser compensada pola Administración competente.

b) Os declarados expresa e individualizadamente monumento ou xardín histórico de interese cultural, mediante Real decreto na forma establecida polo artigo 9 da Lei 16/1985, do 25 de xuño, do Patrimonio Histórico Español, e inscritos no rexistro xeral a que se refire o artigo 12 como integrantes do Patrimonio Histórico Español, así coma os comprendidos nas disposicións adicionais primeira, segunda e quinta da dita lei.

Esta exención terá os límites previstos no artigo 62.2.b) do texto refundido da Lei Reguladora de Facendas Locais aprobado por RDLex. 2/2004.

c) A superficie dos montes nos que se realicen repoboacións forestais ou rexeneración de masas arboradas suxeitas a proxectos de ordenación ou plans técnicos aprobados pola Administración forestal. Esta circunstancia acreditarase mediante certificación acreditativa

emitida pola Delegación Provincial da Dirección Xeral de Montes. Esta exención terá unha duración de 15 anos, contados a partir do período impositivo seguinte a aquel no que se realice a súa solicitude

3. Están exentos os bens inmobles situados no termo municipal deste Concello dos que sexan titulares os centros sanitarios de titularidade pública, sempre que estean afectos ó cumprimento dos fins específicos dos referidos centros. Esta circunstancia documentarase mediante certificado do organismo titular do centro sanitario, acreditando a afectación do centro ao cumprimento dos fins específicos destes.

4. Por último, e segundo o establecido no título I, capítulo III, artigo 15, da Lei 49/2002, do 23 de decembro, do Réxime Fiscal das Entidades sen Fins Lucrativos e dos Incentivos Fiscais ao Mecenado, estarán exentos os bens dos que sexan titulares as entidades sen fins lucrativos, excepto os afectos a explotacións económicas non exentas do imposto sobre sociedades. Para gozar da exención, as ditas entidades deberán comunicar ó Concello, antes da data do devengo do imposto, a opción regulada no artigo 14.1. da Lei 49/2002.

5. Gozarán, así mesmo, de exención, ó abeiro da habilitación contida no artigo 62.4 do Real Decreto Lexislativo 2/2004, por motivos de eficiencia e economía na xestión recaudatoria, os inmobles de natureza urbana e rústica, sempre que a cota líquida, resultante da aplicación dos beneficios fiscais, sexa inferior a 10 euros. No caso de que toda-las cotas dun suxeito pasivo relativas os bens rústicos que posea no concello estean agrupadas nun único documento de cobro, tomarase como referencia esta cota agrupada aos efectos de aplicar esta exención. Os bens inmobles de características especiais non estarán exentos por esta causa en ningún caso.

#### **Artigo 7.º.-Suxeitos pasivos.**

1. Son suxeitos pasivos, a título de contribuíntes, as persoas naturais e xurídicas e as entidades a que se refire o artigo 35.4 da Lei 58/2003, do 17 de decembro, Xeral Tributaria, que teñan a titularidade do dereito que, en cada caso, sexa constitutivo do feito imponible deste imposto, conforme ó disposto nesta ordenanza fiscal.

No suposto de concorrencia de varios concesionarios sobre un mesmo inmovle de características especiais será substituto do contribuínte o que deba satisfacer o maior canon.

2. O disposto no apartado anterior será de aplicación sen prexuízo da facultade do suxeito pasivo de repercutir a carga tributaria soportada, conforme as normas de dereito común.

3. O substituto do contribuínte a que se refire o apartado 1, poderá repercutir sobre os demais concesionarios a parte da cota líquida que lle corresponda en proporción ós canons que deba satisfacer cada un deles.

4. O Concello repercutirá a totalidade da cota líquida do imposto en quen, non reunindo a condición de suxeitos pasivos deste, fagan uso mediante contraprestación dos seus bens demaniais ou patrimoniais.

#### **Artigo 8.º.-Afección real e responsabilidade.**

1.-Nos supostos de cambio, por calquera causa, na titularidade dos dereitos que constitúen o feito imponible deste imposto, os bens inmobles obxecto dos ditos dereitos quedarán afectos ó pagamento da totalidade da cota tributaria, en réxime de responsabilidade subsidiaria, nos termos previstos na Lei Xeral Tributaria.

2.-Para os efectos anteditos, os notarios solicitarán información e advertirán expresamente aos comparecentes nos documentos que autoricen sobre as débedas pendentes polo Imposto de Bens Inmobles asociadas ao inmovle que se transmite, sobre o prazo dentro do cal están obrigados os interesados a presentar declaración do imposto, cando tal obrigación se mantéña por non terse aportado a referencia catastral do inmovle, conforme o apartado 2 do artigo 43 do texto refundido da Lei do Catastro Inmobiliario e outras normas tributarias, sobre a afección dos bens ao pago da débeda tributaria e, asimesmo, sobre as responsabilidades en que incorran pola falta de presentación de declaracións, o non efectualas en prazo ou a presentación de declaracións falsas, incompletas ou inexactas, conforme o previsto no artigo 70 do texto refundido da Lei do Catastro Inmobiliario e outras normas tributarias.

3.-Responderán de xeito solidario da cota deste imposto, i en proporción ás súas respectivas participacións, os copartícipes ou cotitulares das entidades ás que se refire o artigo 35.4 da Lei

58/2003, Xeral Tributaria, se figuran inscritos coma tales no Catastro Inmobiliario. De non figurar inscritos, a responsabilidade esixirase por partes iguais en todo caso.

#### **Artigo 9.º.-Base imponible.**

A base imponible deste imposto estará constituída polo valor catastral dos bens inmoebles, que se determinará, notificará e será susceptible de impugnación conforme o disposto nas normas reguladoras do catastro inmobiliario.

#### **Artigo 10.º.-Base liquidable.**

1.-A base liquidable deste imposto será o resultado de practicar na base imponible a redución á que se refiren os artigos 67, 68, 69 e 70 do RDL. 2/2004, de 5 de marzo, texto refundido da Lei Reguladora das Facendas Locais.

2.-A base liquidable notificarase conxuntamente coa imponible nos procedementos de valoración colectiva. A dita notificación incluír a motivación da redución aplicada mediante a indicación do valor base que corresponda ó inmoeble, así coma dos importes da dita redución e da base liquidable do primeiro ano de vixencia do novo valor catastral neste imposto.

Sen prexuízo do anterior, que será aplicable nos procedementos de valoración colectiva de carácter xeral, nos caos de carácter parcial e simplificado, a motivación consistirá na expresión dos datos indicados no parágrafo anterior, referidos ao exercicio no que se practique a notificación.

3.-Nos procedementos de valoración colectiva, a determinación da base liquidable será competencia da Dirección Xeral do catastro e recorrible perante os tribunais económico-administrativos do Estado.

#### **Artigo 11.º.-Cota íntegra.**

A cota íntegra deste imposto será o resultado de aplicar á base liquidable o tipo de gravame ó que se refire o artigo 13º desta ordenanza.

#### **Artigo 12.º.-Cota líquida.**

A cota líquida deste imposto será o resultado de minorar a cota íntegra co importe das bonificacións previstas nos artigos seguintes.

#### **Artigo 13.º.-Tipo de gravame.**

Os tipos de gravame aplicables en este municipio serán los seguintes:

- a) Bens inmoebles de natureza urbana: 0,44 por cento.
- b) Bens inmoebles de natureza rústica: 0,33 por cento.
- c) Bens inmoebles de características especiais: 1,3 por cento.

#### **Artigo 14.º.- Recargo.**

Establecese un recargo do 25 % sobre a cota líquida do imposto para os bens inmoebles urbanos de uso residencial desocupados con carácter permanente, que se aplicará conforme ao disposto no parágrafo terceiro do apartado 4 do artigo 72 do T.R. 2/2004, de 5 de marzo, polo que se aproba o Texto Refundido da Lei Reguladora das Facendas Locais.

#### **Artigo 15.º.-Bonificacións.**

1. Gozarán dunha bonificación do 50 por cento na cota íntegra do imposto, sempre que así o soliciten os interesados antes do inicio das obras, os inmoebles que constitúan o obxecto da actividade das empresas de urbanización, construción e promoción inmobiliaria, tanto de obra nova como de rehabilitación equiparable a esta, e que non figuren entre os bens do seu inmoibilizado.

O prazo de aplicación desta bonificación comprenderá desde o período impositivo seguinte a aquel no que comecen as obras ata o posterior ó remate destas, sempre que durante ese tempo se realicen obras de urbanización ou construción efectiva, e sen que, en ningún caso, poida exceder de tres períodos impositivos. A solicitude de bonificación débese formular antes do comezo das obras, entendendo por tal o momento de outorgamento da licenza, por parte da Administración municipal.

Para gozar da devandita bonificación os interesados deberán presentar a documentación seguinte:

- Acreditación de que a empresa se dedica á actividade de urbanización, construción e promoción inmobiliaria, mediante a presentación dos estatutos da sociedade.
- Acreditación de que o inmovible obxecto da bonificación non forma parte do inmovilizado, mediante certificación do administrador da sociedade ou fotocopia do último balance presentado ante a Axencia Estatal da Administración Tributaria, para os efectos do imposto sobre sociedades.
- Copia da solicitude de licenza de obra, se non se presenta simultaneamente.
- Copia do documento de alta na actividade económica de construción ou promoción inmobiliaria no imposto sobre actividades económicas.
- Certificación do técnico-director das obras de construción, visado polo colexio oficial competente, no que se indique a data de inicio das obras.

2. As vivendas de protección oficial, e as equiparables a estas segundo a normativa vixente da Comunidade Autónoma de Galicia, gozarán dunha bonificación do 50% na cota íntegra do imposto durante os tres períodos impositivos seguintes ao do outorgamento da cualificación definitiva, e do 25% durante os períodos carto e quinto.

Esta bonificación deberá ser solicitada polo/a interesado/a en calquera momento anterior á terminación dos cinco períodos impositivos bonificados, producindo efectos dende o período seguinte ao da solicitude.

Para a concesión da presente bonificación o/a interesado/a deberá presentar a documentación acreditativa da titularidade do devandito inmovible aportando a cédula de cualificación definitiva do mesmo como vivenda de protección oficial, así como a súa referencia catastral. No caso de que o solicitante non conste no censo remitido pola Xerencia do catastro inmobiliario como titular catastral do inmovible, deberá cumprimentar o modelo 901, de alteración de titularidade catastral, ou achegar documentación acreditativa de telo feito.

Será requisito imprescindible para gozar da bonificación de VPA que o suxeito pasivo estea empadroadado/a, no momento do devengo do imposto, na vivenda que vai ser obxecto da bonificación, o que se comprobará de oficio anualmente para os efectos de manter as bonificacións xa concedidas.

3. Os suxeitos pasivos que ostenten a condición de titulares de familia numerosa gozarán dunha bonificación na cota íntegra do imposto sobre o inmovible de uso residencial que constitúa á súa residencia habitual e na que estea empadroadado/a, de acordo co seguinte:

A) para as familias numerosas na que os membros maiores de idade se encontren en situación de desemprego e non perciban prestación contributiva, nin subsidio por desemprego, nin outras rendas do SEPE a bonificación será do 90 % da cota íntegra do imposto

B) para o resto de casos de familias numerosas, aplicaráse a bonificación en función das seguintes características:

<b>Categoría de familia numerosa</b>	<b>% Bonificación valor catastral menor ou igual a 60.000 euros</b>	<b>% Bonificación valor catastral entre 60.000 e 120.000 euros</b>	<b>% Bonificación valor catastral maior de 120.000 ata 240.000 euros</b>
Xeral	45	30	20
Especial	55	40	30

Para a aplicación da presente bonificación será requisito imprescindible que o/a interesado/a o solicite con anterioridade ao devengo do imposto, debendo acreditar:

- o empadroadamento na vivenda obxecto da solicitude do titular do recibo do IBI.
- a condición de familia numerosa mediante a presentación da copia e orixinal, ou copia compulsada, do título de familia numerosa.
- certificado do INEM de non percibir prestación contributiva, nin subsidio por desemprego, nin outras rendas, no que se inclúa a data de remate do dereito a recibir as citadas prestacións, so no caso de solicitar a bonificación do 90%
- informe de períodos de inscrición como demandante de emprego, so no caso de solicitar a bonificación do 90%

Non se poderá aplicar a bonificación a mais dunha vivenda por titular.

Para a bonificación prevista no apartado 3.A) do 90 %, a bonificación so terá efectos no exercicio seguinte a aquel que se solicite. Sendo renovable ano a ano.

Para a bonificación prevista no apartado 3.B), unha vez declarada a bonificación polo órgano competente expedirase un documento que acredite a súa concesión, e cuxa permanencia no tempo condiciónase á data límite de duración dos efectos que apareza no título, sempre que se manteñan as condicións de non existencia de débeda e o empadramento sinalado anteriormente. Cando varíe o número de membros da unidade familiar ou as condicións que deron motivo á expedición ou posterior renovación do título e isto supoña un cambio de categoría ou a perda da condición de familia numerosa, o suxeito pasivo deberá renovar o título ou deixalo sen efecto, debendo no primeiro caso achegar a documentación xustificativa, e no segundo caso, comunicalo ao órgano competente. A non comunicación destas variacións conlevará a apertura do correspondente expediente sancionador.

A bonificación concedida e as súas variacións posteriores surtirán efectos a partir do exercicio seguinte á súa data de presentación ou acreditación da modificación ou extinción do título, non tendo en ningún caso carácter retroactivo.

4. Os bens inmobles que teñan instalado sistemas para o aproveitamento térmico ou eléctrico da enerxía procedente do sol terán unha bonificación, do 50 % da cota íntegra do imposto o primeiro ano e un 25 % o segundo ano. Para a aplicación desta bonificación estará condicionada a que as instalacións para a produción de calor engadan colectores que dispoñan da correspondente homologación pola Administración competente.

O mínimo en canto á dimensións e rendemento da instalación cumprirá co establecido no Documento Básico de Aforro de Enerxía contido no Código Técnico da Edificación

5. Para ser beneficiario das bonificacións previstas nos números anteriores, o contribuínte deberá estar ao corrente das débedas co Concello de Ames, atendendo ao disposto no artigo 12.3 da Ordenanza Fiscal Xeral de xestión, recadación e inspección dos tributos e doutros ingresos de dereito público do Concello de Ames.

6. As solicitudes de bonificacións serán resoltas polo órgano competente.

7. As bonificacións recollidas nos apartados 2 e 3.B) deste artigo serán compatibles, sen que, en ningún caso, poidan exceder do 60% da cota íntegra de forma acumulativa. As bonificacións dos apartados 1 e 3.A) deste artigo non serán compatibles con ningunha outra, salvo precepto legal que dispoña a compatibilidade.

#### **Artigo 16.º.-Período impositivo e retribución.**

1.-O imposto retribuirase o primeiro día do período impositivo.

2.-O período impositivo coincide co ano natural.

3.-Os feitos, actos e negocios que deben ser obxecto de declaración ou comunicación perante o Catastro Inmobiliario ou, por convenio, perante o Servizo de Xestión Catastral do Concello de Ames, terán efectividade no devengo deste imposto inmediatamente posterior ó momento no que produzan efectos catastrais. A efectividade das inscricións catastrais resultantes dos procedementos de valoración colectiva e de determinación do valor catastral dos bens inmobles de características especiais coincidirá coa prevista nas normas reguladoras do Catastro Inmobiliario.

#### **Artigo 17.º.-Declaracións catastrais.**

As alteracións referidas ós bens inmobles susceptibles de inscrición catastral que teñan transcendencia para os efectos deste imposto determinarán a obriga dos suxeitos pasivos de formaliza-las declaracións conducentes á súa inscrición no catastro inmobiliario, conforme o establecido na súa normativa reguladora.

#### **Artigo 18.º.-Xestión do imposto.**

A xestión, liquidación, inspección, recadación e revisión dos actos ditados en virtude da xestión tributaria deste imposto levarase a cabo conforme ó preceptuado nos artigos 7, 8 e 77



do Texto refundido da Lei Reguladora de Facendas Locais, aprobado por Real Decreto Lexislativo 2/2004, de 5 de marzo así coma as demais disposicións que resulten de aplicación.

#### **Artigo 19.º.-Revisión.**

1. Os actos de xestión e inspección catastral do imposto serán revisables nos termos e de acordo cos procedementos sinalados no RDLex. 2/2004, texto refundido da Lei Reguladora de Facendas Locais , e no RDLex. 1/2004, texto refundido da Lei do Catastro Inmobiliario.
2. Os actos de xestión tributaria do imposto serán revisables conforme o preceptuado no artigo 14 do texto refundido da Lei Reguladora de Facendas Locais, aprobado por Real Decreto Lexislativo 2/2004, de 5 de m, e demais concordantes de aplicación.

#### **Disposición adicional única.**

As modificacións que se introduzan na regulación do imposto, polas leis de orzamentos xerais do Estado ou por calquera outra lei ou disposición, e que resulten de aplicación directa, producirán, no seu caso, a correspondente modificación tácita da presente ordenanza fiscal.

#### **Disposición transitoria.**

As bonificacións previstas no artigo 15.3.A) e 15.4 poderán solicitarse ata o 31 de marzo a través de escrito dirixido á Deputación da Coruña para seren aplicadas no período impositivo 2016

#### **Disposición derogatoria.**

Coa entrada en vigor da presente ordenanza fiscal queda derogada a anterior ordenanza fiscal reguladora do imposto sobre bens inmoables deste concello.

#### **Disposición final.**

A presente ordenanza fiscal foi aprobada polo Pleno da Corporación na sesión que tivo lugar o día \*\*/\*\*/2015, entrará en vigor no día da súa publicación no Boletín Oficial da Provincia e comezará a aplicarse a partir do día 1 de xaneiro de 2016, continuando vixente en tanto non se acorde a súa modificación ou derogación expresa.

#### **Punto Noveno.- Aprobación provisional da modificación da Ordenanza fiscal reguladora do imposto sobre actividades económicas.**

(.....)

Rematadas as intervencións, o Pleno da Corporación por maioría absoluta do número legal de membros, coa abstención do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as adopta os seguintes acordos:

**Primeiro.-** Aprobar provisionalmente a modificación da Ordenanza fiscal reguladora do Imposto sobre actividades económicas, cuxo texto integro figura como anexo I deste acordo.

**Segundo.-** Publicar o dito acordo de aprobación provisional, por prazo de 30 días hábiles a efectos de exame e reclamación, mediante anuncio no BOP, taboleiro de edictos e nun diario dos de mais difusión da Provincia.

Para o suposto de non presentarse reclamacións, a aprobación provisional quedara elevada a definitiva de xeito automático, sen necesidade dun novo acordo plenario.

**Terceiro.-** O acordo definitivo, incluído o provisional elevado automaticamente a tal categoría, e o texto íntegro da Ordenanza ou da súa modificación, deberá publicarse no B.O.P., sen que entre en vigor ata que se leve a cabo dita publicación.

**Cuarto.-** Facultar ó alcalde do Concello de Ames, para cantas actuacións de trámite sexan precisas para a mellor execución do acordado.

#### **Anexo I**

#### **ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS**

##### **Artigo 1.º .-Normativa aplicable.**

O imposto sobre actividades económicas (IAE) rexeráse neste municipio:

- a) Polas normas reguladoras deste contidas na Real decreto legislativo 2/2004, de 5 de marzo, polo que se aproba o texto refundido da lei reguladora das facendas locais, e polas demais disposicións legais e regulamentarias que complementen e desenvolvan esta lei.
- b) Polas tarifas e instrución do imposto, aprobadas polo Real decreto legislativo 1175/1990, do 28 de setembro, e Real decreto legislativo 1259/1991, do 2 de agosto.
- c) Pola presente ordenanza fiscal.

**Artigo 2.º .-Natureza e feito imponible.**

1. O IAE é un tributo directo de carácter real, do que o feito imponible está constituído polo mero exercicio dentro do termo municipal de actividades empresariais, profesionais ou artísticas, tanto se se exercen nun local determinado como se non, e se atopen ou non especificadas nas tarifas do imposto.
2. Considéranse actividades empresariais, para os efectos deste imposto, as gandeiras cando teñan carácter independente, as mineiras, as industriais, as comerciais e as de servizos. Polo tanto, non teñen esta consideración as actividades agrícolas, as gandeiras dependentes, as forestais e as pesqueiras, e ningunha delas constitúe o feito imponible do presente imposto. Ten a consideración de gandería independente a definida como tal no parágrafo segundo do artigo 78.2 do Real decreto lexislativo 2/2004, de 5 de marzo, polo que se aproba o texto refundido da lei reguladora das facendas locais.
3. Considérase que unha actividade se exerce con carácter empresarial, profesional ou artístico cando supoña a ordenación por conta propia de medios de produción e de recursos humanos ou dun destes, coa finalidade de intervir na produción ou distribución de bens ou servizos.
4. O contido das actividades gravadas é o definido nas tarifas do imposto.
5. O exercicio das actividades gravadas probarase por calquera medio admisible en dereito e, en particular, polos recollidos no artigo 3.º do Código de comercio.

**Artigo 3.º .-Supostos de non suxeición.**

Non constitúe feito imponible neste imposto o exercicio das actividades seguintes:

- a) O alleamento de bens integrados no activo fixo das empresas que tivesen figurado, debidamente inventariado como tal inmovilizado, con máis de dous anos de antelación á data de se transmitir a venda de bens de uso particular e privado do vendedor, sempre que os tivese utilizado durante igual período de tempo.
- b) A venda dos produtos que se reciben en pagamento de traballos persoais ou servizos profesionais.
- c) A exposición de artigos co fin exclusivo de decoración ou de adorno do establecemento. Polo contrario, estará suxeita ó imposto a exposición de artigos para regalar ós clientes.
- d) Cando se trate de venda polo miúdo, a realización dun solo acto ou operación illada.

**Artigo 4.º .-Exencións.**

1. Están exentos do imposto:

a) O Estado, as comunidades autónomas e as entidades locais, así como os organismos autónomos do Estado e as entidades de dereito público de análogo carácter das comunidades autónomas e das entidades locais.

b) Os suxeitos pasivos que inicien o exercicio da súa actividade en territorio español, durante os dous primeiros períodos impositivos deste imposto no que se desenvolva esta.

Para estes efectos non se considerará que se produciu o inicio do exercicio da actividade cando esta se teña desenvolvido anteriormente baixo outra titularidade, circunstancia que se entenderá que concorre, entre outros supostos, nos casos de fusión, escisión ou achega de ramas de actividade.

- c) Os seguintes suxeitos pasivos:

- As persoas físicas.

- Os suxeitos pasivos do imposto sobre sociedades, as sociedades civís e as entidades do artigo 35.4 da Lei 58/2003, de 17 de decembro, xeral tributaria, que teñan un importe neto da cifra de negocios inferior a 1.000.000 de euros.

- En canto ós contribuíntes polo imposto sobre a renda de non residentes, a exención só acadará ós que operen en España mediante establecemento permanente, sempre que teñan un importe neto da cifra de negocios inferior a 1.000.000 de euros.



Para os efectos da aplicación da exención prevista nesta letra, teranse en conta as seguintes regras:

1.º -O importe neto da cifra de negocios determinarase de acordo co previsto art. 191 do texto refundido da Lei de sociedades anónimas, aprobado polo Real decreto lexislativo 1564/1989, do 22 de decembro.

2.º -O importe neto da cifra de negocios será, no caso dos suxeitos pasivos do imposto sobre sociedades ou dos contribuíntes polo imposto sobre a renda de non residentes, o do período impositivo do que o prazo de presentación de declaracións polos ditos tributos tivese rematado o ano anterior ó do devengo deste imposto. No caso das sociedades civís e as entidades a que se refire o artigo 33 da Lei 230/1963, do 28 de decembro, xeral tributaria, o importe neto da cifra de negocios será o que corresponda ó penúltimo ano anterior ó de devengo deste imposto. Se o dito período impositivo tivese unha duración inferior ó ano natural, o importe neto da cifra de negocios elevaráase ó ano.

3.º.-Para o cálculo do importe da cifra de negocios do suxeito pasivo terase en conta o conxunto das actividades económicas exercidas por este.

Non obstante, cando a entidade forme parte dun grupo de sociedades no sentido do artigo 42 do Código de comercio, o importe neto da cifra de negocios referirase ó conxunto de entidades pertencentes ó dito grupo.

Para os efectos do disposto no parágrafo anterior, entenderase que os casos do artigo 42 do Código de comercio son os recollidos na sección 1.<sup>a</sup> do capítulo I das normas para a formulación das contas anuais consolidadas, aprobadas por Real decreto 1815/1991, do 20 de decembro.

4.º.-No suposto dos contribuíntes polo imposto sobre a renda de non residentes, atenderase ó importe neto da cifra de negocios imputable ó conxunto dos establecementos permanentes situados en territorio español.

d) As entidades xestoras da Seguridade Social e as mutualidades de previsión social reguladas na Lei 30/1995, do 8 de novembro, de ordenación e supervisión dos seguros privados.

e) Os organismos públicos de investigación, os establecementos de ensino en tódolos seus graos pagados integramente con fondos do Estado, das comunidades autónomas ou das entidades locais, ou por fundacións declaradas benéficas ou de utilidade pública, e os establecementos de ensino en tódolos seus graos que, carecendo de ánimo de lucro, estivesen en réxime de concerto educativo, incluso si facilitasen ós seus alumnos libros ou artigos de escritorio ou lles prestasen os servizos de media pensión ou internado e aínda que por excepción venda no mesmo establecemento os produtos dos talleres dedicados á dita ensinanza, sempre que o importe da dita venda, sen utilidade para ningún particular ou terceira persoa, se destine, exclusivamente, á adquisición de materias primas ou ó sostemento do establecemento.

f) As asociacións e fundacións de diminuídos físicos, psíquicos e sensoriais, sen ánimo de lucro, polas actividades de carácter pedagóxico, científico, asistenciais e de emprego que para o ensino, educación, rehabilitación e tutela de minusválidos realicen, aínda que vendan os produtos dos talleres dedicados ós ditos fins, sempre que o importe desta venda, sen utilidade para ningún particular ou terceira persoa, se destine exclusivamente á adquisición de materias primas ou ó sostemento do establecemento.

q) A Cruz Vermella Española.

h) Os suxeitos pasivos ós que lles sexa de aplicación a exención en virtude de tratados ou convenios internacionais.

2. Os suxeitos pasivos a que se refiren os apartados a), d), g) e h) do apartado anterior non estarán obrigados a presentar declaración de alta na matrícula do imposto.

3. O Ministerio de Facenda establecerá en que supostos a aplicación da exención prevista no parágrafo c) do apartado 1 anterior esixirá a presentación dunha comunicación dirixida á Axencia Estatal de Administración Tributaria na que se faga constar que se cumpren os requisitos establecidos no dito parágrafo para a aplicación da exención. A dita obriga non se esixirá, en ningún caso, cando se trate de contribuíntes polo imposto sobre a renda das persoas físicas.

Os suxeitos pasivos que aplicasen a exención prevista no parágrafo b) do apartado 1 anterior presentarán a comunicación, no seu caso, o ano seguinte ó posterior ó de inicio da súa actividade.

Para estes efectos, o Ministerio de Facenda establecerá o contido, o prazo e a forma de presentación da dita comunicación, así como os supostos en que haberá de presentarse por vía telemática.

En canto ás variacións que poidan afectar á exención prevista no parágrafo c) do apartado 1 anterior, estarase ó previsto no parágrafo terceiro do apartado 2 do artigo 90 do Real decreto lexislativo 2/2004, de 5 de marzo, polo que se aproba o texto refundido da lei reguladora das facendas locais.

4. As exencións previstas nos parágrafos b), e) e f) do apartado 1 deste artigo terán carácter rogado e concederanse, cando proceda, a instancia de parte.

A solicitude das exencións a que se refire o parágrafo anterior débese presentar xunto coa declaración de alta do imposto, na entidade que leve a cabo a xestión censual, e deberán ir unidas á documentación acreditativa. O acordo polo cal se accede á petición fixará o exercicio desde o cal o beneficio fiscal se entende concedido.

As exencións a que se refire este apartado que sexan solicitadas antes de que a liquidación correspondente adquira firmeza terán efectos desde o inicio do período impositivo a que se refire a solicitude, sempre que na data do devengo do tributo concorresen os requisitos legalmente esixibles para gozar desta exención.

#### **Artigo 5.º.-Suxeitos pasivos.**

Son suxeitos pasivos do IAE as persoas físicas ou xurídicas e as entidades a que se refire o artigo 35.4 da Lei 58/2003, de 17 de decembro, xeral tributaria, sempre que realicen neste municipio calquera das actividades que orixinan o feito impositivo.

#### **Artigo 6.º.-Cota tributaria.**

A cota tributaria será o resultado de aplicar á cota de tarifa do imposto, a que se refire o artigo seguinte, os coeficientes e as bonificacións previstas na lei, e no seu caso acordadas polos concellos e reguladas nas ordenanzas fiscais respectivas.

#### **Artigo 7.º.-Cota de tarifa.**

A cota de tarifa será a resultante de aplicar as tarifas previstas na instrución do imposto aprobadas por Real decreto lexislativo 1175/1990, do 28 de setembro, e polo Real decreto lexislativo 1259/1991, do 2 de agosto.

#### **Artigo 8.º.-Coeficiente de ponderación.**

De acordo co que prevé o artigo 86 do Real decreto lexislativo 2/2004, de 5 de marzo, polo que se aproba o texto refundido da lei reguladora das facendas locais, sobre as cotas municipais da tarifa aplicarase, en todo caso, un coeficiente de ponderación, determinado en función do importe neto da cifra de negocios do suxeito pasivo, de acordo co seguinte cadro:

Importe neto da cifra de negocios	coeficiente
Desde 1.000.000,00 ata 5.000.000,00	1,29
Desde 5.000.000,01 ata 10.000.000,00	1,30
Desde 10.000.000,01 ata 50.000.000,00	1,32
Desde 50.000.000,01 ata 100.000.000,00	1,33
Máis de 100.000.000,00	1,35
Sen cifra neta de negocio	1,31

Para os efectos da aplicación do coeficiente a que se refire este artigo, o importe neto da cifra de negocios do suxeito pasivo será o correspondente ó conxunto de actividades económicas exercidas por este e determinaranse de acordo co previsto no apartado 1, letra c) do artigo 4 da presente ordenanza fiscal (artigo 82.1.c) do Real decreto lexislativo 2/2004, de 5 de marzo, polo que se aproba o texto refundido da lei reguladora das facendas locais).

### Artigo 9.º.-Bonificacións obrigatorias.

1. Sobre a cota tributaria do imposto aplicaranse, en todo caso, as seguintes bonificacións:

a) As cooperativas, así como as unións, federacións e confederacións destas e as sociedades agrarias de transformación terán a bonificación prevista na Lei 20/1990, do 19 de decembro, sobre réxime fiscal das cooperativas.

b) Unha bonificación do 50 por cento da cota correspondente, para quen inicie o exercicio de calquera actividade profesional, durante os cinco anos de actividade seguintes á conclusión do segundo período impositivo de desenvolvemento desta. O período de aplicación da bonificación caducará transcorridos cinco anos desde a finalización da exención prevista na letra b) do apartado 1 do artigo 4 da presente ordenanza fiscal.

2. Os suxeitos pasivos que teñan dereito ás bonificacións reguladas no apartado anterior, por cumprir os requisitos establecidos para gozar delas, aplicarán a bonificación correspondente na súa propia autoliquidación.

### Artigo 10.º.- Bonificacións potestativas.

1.- Os suxeitos pasivos que tributen por cota municipal e que teñan incrementado o promedio da súa plantilla de traballadores con contrato indefinido durante o período impositivo inmediato anterior ao da aplicación da bonificación, en relación co período anterior a aquel, gozarán da seguinte bonificación sobre a cota tributaria:

Incremento porcentual do nº de traballadores con contrato indefinido (T)	Bonificación
Entre o 5,0% e o 10,0%	15%
Máis do 10,0% e ata o 20,0%	30%
Máis do 20,0%	50%

A documentación acreditativa será a seguinte:

- Certificado/s da Tesourería Xeral da Seguridade Social da vida laboral da empresa, acreditativo dos extremos especificados neste artigo e apartado.

- Fotocopia dos contratos laborais dos traballadores contratados no período impositivo inmediato anterior ao de aplicación da bonificación.

O incremento promedio calcularase da seguinte forma:

$$T = (T_f - T_i) \cdot 100 / T_i$$

T= incremento do nº de traballadores con contrato indefinido en tanto por cento

T<sub>f</sub>= número de traballadores con contrato indefinido en el período final comparado.

T<sub>i</sub>= número de traballadores con contrato indefinido en el período inicial comparado.

A bonificación terá duración exclusivamente anual polo que debe ser solicitada para cada exercicio en que se pretenda a súa aplicación e sempre antes do 1 de abril. A non presentación da solicitude no prazo establecido implicará a perda da bonificación, sen prexuízo de poder solicitarse novamente para períodos impositivos seguintes.

A bonificación aplicarase á cota resultante de aplicar, no seu caso, as bonificacións a que se refiren o artigo 9 desta ordenanza

2.- Os suxeitos pasivos que tributen por cota municipal e que utilicen ou produzan enerxía a partir de instalacións para o aproveitamento de enerxías renovables ou sistemas de coxeneración gozarán dunha bonificación da cota do imposto do 50% o primeiro ano seguinte a súa instalación e do 25% o segundo. A estes efectos, consideraranse instalacións para o aproveitamento das enerxías renovables as contempladas e definidas como tales no Plan de Fomento das Enerxías Renovables. Consideraranse sistemas de coxeneración os equipos e instalacións que permitan a produción conxunta de electricidade e enerxía térmica útil.

A bonificación debe ser solicitada antes do 1 de abril do exercicio para o que se pretenda o inicio da súa aplicación. A non presentación da solicitude no prazo establecido implicará a perda da bonificación nese exercicio.

A bonificación aplicarase á cota resultante de aplicar, no seu caso, as bonificacións a que se refiren o artigo 9 e o artigo 10.1 desta ordenanza

### Artigo 11.º .-Período impositivo e devengo.

1. O período impositivo coincide co ano natural, excepto cando se trate de declaracións de alta, xa que neste caso abranguerá desde a data do comezo da actividade ata o fin do ano natural.
2. O imposto devéngase o primeiro día do período impositivo e as cotas serán irreductibles, salvo cando, nos casos de declaración de alta, o día de comezo da actividade non coincida co ano natural, neste suposto as cotas calcularanse proporcionalmente o número de trimestres naturais que resten para finalizar o ano, incluído o do comezo do exercicio da actividade.
3. Así mesmo, e no caso de baixa por cesamento no exercicio da actividade, as cotas serán rateables por trimestres naturais, excluído aquel no que se produza o dito cesamento. Para tal fin os suxeitos pasivos poderán solicitar a devolución da parte da cota correspondente ós trimestres naturais nos que non se tivese exercido a actividade.

### Artigo 12.º .-Xestión.

A xestión, liquidación, recadación e inspección das cotas municipais do imposto levaranse a cabo polo órgano da administración que resulte competente, ben en virtude de competencia propia, ben en virtude de convenio ou acordo de delegación de competencias; todo isto conforme o preceptuado nos artigos 7, 8 e artigos 90 e 91 do Real decreto legislativo 2/2004, de 5 de marzo, polo que se aproba o texto refundido da lei reguladora das facendas locais; así como nas demais disposicións que resulten de aplicación.

### Disposición adicional única

As modificacións que se introduzan na regulación do imposto, polas leis de orzamentos xerais do Estado ou por calquera outra lei ou disposición, e que resulten de aplicación directa, producirán, no seu caso, a correspondente modificación tácita da presente ordenanza fiscal.

### Disposición derogatoria única

A partir da data de entrada en vigor da presente ordenanza fiscal quedará derogada a anterior Ordenanza fiscal reguladora do imposto sobre actividades económicas no Concello de Ames.

### Disposición final

A presente ordenanza fiscal foi aprobada polo Pleno da corporación na sesión que tivo lugar o día /\*\*\*/2015, entrará en vigor no día da súa publicación no Boletín Oficial da Provincia e comezará a aplicarse a partir do día 1 de xaneiro de 2016, continuando vixente en tanto non se acorde a súa modificación ou derogación.

### Punto Décimo.- Aprobación provisional da modificación da Ordenanza fiscal reguladora do imposto sobre vehículos de tracción mecánica.

(.....)

Rematadas as intervencións, o Pleno da Corporación por maioría absoluta do número legal de membros, co voto a favor dos/as 4 concelleiros/as do grupo municipal Socialista, das 3 concelleiras do grupo municipal Contigo Pódese, dos/as 2 concelleiros/as do grupo municipal Bloque Nacionalista Galego e dos/as 4 concelleiros/as do grupo municipal IC- Ames Novo e o voto en contra do resto dos/as concelleiros/as da Corporación Municipal, adopta os seguintes acordos:

**Primeiro.-** Aprobación provisional da modificación da Ordenanza fiscal reguladora do Imposto sobre vehículos de tracción mecánica cuxo texto íntegro figura como anexo I deste acordo.

**Segundo.-** Publicar o dito acordo de aprobación provisional, por prazo de 30 días hábiles a efectos de exame e reclamacións, mediante anuncio no BOP, taboleiro de edictos e nun diario dos de maior difusión da provincia.

Para o suposto de non presentarse reclamacións a aprobación provisional quedara elevada a definitiva de xeito automático, sen necesidade dun novo acordo plenario.

**Terceiro.-** O acordo definitivo, incluído o provisional elevado automaticamente a tal categoría

e o texto íntegro da Ordenanza ou da súa modificación, deberá publicarse no B.O.P., sen que entre en vigor ata que se leve a cabo dita publicación.

**Cuarto.-** Facultar ó alcalde do Concello de Ames, para cantas actuacións de trámite sexan precisas para a mellor execución do acordado.

## **ANEXO I**

### **ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA**

#### **Artigo 1.º.-Fundamento e natureza.**

De conformidade co previsto no artigo 59, en relación cos seus artigos 92 a 99, do texto refundido da Lei Reguladora de Facendas Locais, aprobado por RD Lexislativo 2/2004, de 5 de marzo, o imposto sobre vehículos de tracción mecánica, é un tributo directo, de carácter obrigatorio.

#### **Artigo 2.º.-Normativa aplicable.**

O imposto sobre vehículos de tracción mecánica, rexerase neste Concello:

a) Polas normas reguladoras deste, contidas no texto refundido da Lei Reguladora de Facendas Locais, aprobado por RD Lexislativo 2/2004, de 5 de marzo, e polas demais disposicións legais e regulamentos que complementen e desenvolvan a dita lei.

b) Pola presente ordenanza fiscal.

#### **Artigo 3.º.-Feito imponible.**

1.-O imposto sobre vehículos de tracción mecánica é un imposto directo que grava a titularidade dos vehículos desta natureza, aptos para circular polas vías públicas, calquera que sexan a súa clase e categoría.

2.-Se considera vehículo apto para a circulación o que fose matriculado nos rexistros públicos correspondentes e mentres non tivera causado baixa nos mesmos. Para os efectos deste imposto tamén se considerarán aptos os vehículos provistos de permisos temporais e matrícula turística.

#### **Artigo 4.º.-Supostos de non suxeición.**

Non estarán suxeitos a este imposto:

a) os vehículos que, sendo dados de baixa nos rexistros por antigüidade do seu modelo, poden ser autorizados para circular excepcionalmente con ocasión de exhibicións, certames ou carreiras limitadas ós desta natureza.

b) os remolques e semirremolques arrastrados por vehículos de tracción mecánica de carga útil non superior a 750 quilogramos.

#### **Artigo 5.º.-Suxeitos pasivos.**

Son suxeitos pasivos deste imposto, as persoas físicas ou xurídicas e as Entidades a que se refire o artigo 35.4 da Lei 58/2003, de 17 de decembro, Xeral Tributaria, a nome das cales conste o vehículo no permiso de circulación.

#### **Artigo 6.º.-Responsables.**

Todo o relativo a os responsables deste tributo, determinarase de conformidade a o previsto no texto refundido da Lei Reguladora das Facendas Locais; na Lei Xeral Tributaria, artigos 41 a 43; no Regulamento Xeral de Recadación e nas demais Leis do Estado reguladoras da materia, así como nas disposicións ditas para o seu desenrolo.

#### **Artigo 7.º.-Exencións.**

1. Estarán exentos do imposto:

a) Os vehículos oficiais do Estado, comunidades autónomas e entidades locais adscritos á defensa nacional ou á seguridade cidadá.

b) Os vehículos de representación diplomáticas, oficinas consulares, axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados e a condición de reciprocidade na súa extensión e grao.

Así mesmo, os vehículos dos organismos internacionais con sede ou oficina en España e dos seus funcionarios ou membros con estatuto diplomático.

c) Os vehículos respecto dos cales así se derive do disposto en tratados ou convenios internacionais.

d) As ambulancias e demais vehículos directamente destinados á asistencia sanitaria, ou ao



traslado de feridos ou enfermos.

e) Os vehículos para persoas de mobilidade reducida que se refire a letra A do anexo II do Regulamento xeral de vehículos, aprobado polo Real decreto 2822/1998, do 23 de decembro.

Así mesmo, están exentos os vehículos matriculados a nome de minusválidos para o seu uso exclusivo. Esta exención aplicarase en tanto se manteñan as devanditas circunstancias, tanto aos vehículos conducidos por persoas con discapacidade como aos destinados ao seu transporte.

As exencións previstas nos dous parágrafos anteriores non resultarán aplicables ós suxeitos pasivos beneficiarios destas por máis dun vehículo simultaneamente.

Para os efectos do disposto neste parágrafo, se consideran persoas con minusvalía quen teña esa condición legal en grao igual ou superior ao 33 por cento.

f) Os autobuses, microbuses e demais vehículos destinados ou adscritos ao servizo de transporte público urbano, sempre que teñan unha capacidade que exceda de nove prazas, incluída a do condutor.

g) Os tractores, remolques, semirremolques e maquinaria provistos da libreta de inspección agrícola.

2. Para poder gozar das exención a que se refiren as letras e) e g) do apartado 1 deste artigo, os interesados/as deberán instar súa concesión, con anterioridade ao devengo do imposto, indicando as características do vehículo, a súa matrícula e a causa do beneficio. Declarada a exención polo Concello expedirase un documento que acredite a súa concesión, que terá carácter definitivo, para ese vehículo, para as persoas que teñan recoñecida unha discapacidade definitiva, sempre que se manteñan as condicións de non existencia de débeda e o empadramento no Concello de Ames. Nos demais supostos as solicitudes deberán ser renovadas anualmente, achegando soamente os documentos precisados nos números 1 e 4 dos parágrafos 2.1 e 2.2.

No caso de primeiras solicitudes, novas adquisicións de vehículos, o contribuínte deberá achegar a seguinte documentación:

2.1 Vehículos conducidos por persoas con discapacidade:

1.- Fotocopia e orixinal, ou fotocopia compulsada, do certificado do grao de discapacidade expedido polo órgano competente da Administración autonómica no que conste o grao de discapacidade

2.-Fotocopia e orixinal, ou fotocopia compulsada, do permiso de condución (anverso e reverso).

3.-Fotocopia e orixinal ou fotocopia compulsada, do permiso de circulación a nome do posible beneficiario/a da exención.

4.-Fotocopia e orixinal ou fotocopia compulsada da póliza de seguro do vehículo na que figure o suxeito solicitante como condutor habitual do mesmo e acreditación do pago do último recibo que lle corresponda.

5.-Fotocopia DNI.

6.-Fotocopia da ficha técnica do vehículo.

7.-Declaración do uso exclusivo do vehículo para o transporte do beneficiario da exención.

8.-Estar empadroad/a no Concello de Ames no momento de devengo do imposto, o que comprobará de oficio anualmente para o mantemento das exencións de carácter definitivo.

2.2 Vehículos destinados ao transporte de discapacitados/as:

1.-Fotocopia e orixinal, ou fotocopia compulsada, do certificado do grao de discapacidade expedido polo órgano competente da Administración autonómica no que conste, ademais do grao de discapacidade, se ten necesidade de asistencia a terceiras persoas e si ten dificultades graves de mobilidade que lle impidan a utilización do transporte colectivo.

2.- Fotocopia e orixinal ou fotocopia compulsada, do permiso de circulación a nome do posible beneficiario/a da exención.

3.-Fotocopia DNI do discapacitado/a e do condutor/a habitual do vehículo.

4.-Fotocopia e orixinal, ou fotocopia compulsada da póliza de seguro do vehículo e acreditación do pago do último recibo que lle corresponda

5.-Fotocopia da ficha técnica do vehículo.

6.-Declaración do uso exclusivo do vehículo para o transporte do beneficiario/a da exención.

7.-Estar empadroadado/a no Concello de Ames no momento do devengo do imposto, o que se comprovará de oficio anualmente para o mantemento das exencións de carácter definitivo.

As exencións que no seu caso se concedan en calquera dos supostos anteriores, non serán aplicables ós suxeitos pasivos beneficiarios/as das mesmas por máis dun vehículo simultaneamente.

A concesión das exencións previstas no presente apartado queda supeditada á non existencia de débeda, por calquera concepto, co Concello de Ames.

3. Para poder gozar da exención á que se refire a letra g) do apartado 1 deste artigo os interesados/as deberán achegar a seguinte documentación:

a) Fotocopia do DNI do solicitante.

b) Fotocopia e orixinal ou fotocopia compulsada do permiso de circulación do vehículo.

c) Fotocopia e orixinal ou fotocopia compulsada da cartilla de inspección agrícola.”

### Artigo 8.º.-Cota tributaria.

1.- De conformidade co artigo 95.4 do Texto Refundido da Lei Reguladora das Facendas Locais, este Concello fixa o coeficiente de incremento, no Imposto sobre Vehículos de Tracción Mecánica, sobre as cotas orixinais establecidas no citado artigo 95.1 do mesmo texto legal, nos seguintes termos:

Potencia y clase de vehículo	tarifa mínima	Coeficiente	Cota a satisfacer
<b>A)Turismos</b>			
-De menos de 8 cabalos fiscais	12,62 €	1,3	16,41 €
-De 8 ata 11,99 cabalos fiscais	34,08 €	1,3	44,30 €
-De 12 ata 15,99 cabalos fiscais	71,94 €	1,3	93,52 €
-De 16 ata 19,99 cabalos fiscais	89,61 €	1,4	125,45 €
-De 20 cabalos fiscais en adiante	112,00 €	1,5	168,00 €
<b>B)Autobuses</b>			
-De menos de 21 prazas	83,30 €	1,3	108,29 €
-De 21 a 50 prazas	118,64 €	1,4	166,10 €
-De mais de 50 prazas	148,30 €	1,5	222,45 €
<b>C) Camións</b>			
-De menos de 1.000 Kg. de carga útil	42,28 €	1,3	54,96 €
-De 1.000 a 2.999 Kg. de carga útil.	83,30 €	1,3	108,29 €
-De 2.999 a 9.999 Kg. de carga útil	118,64 €	1,4	166,10 €
-De mais de 9.999Kg. de carga útil	148,30 €	1,5	222,45 €
<b>D)Tractores</b>			
-De menos de 16 cabalos fiscais	17,67 €	1,3	22,97 €
-De 16 a 25 cabalos fiscais.	27,77 €	1,3	36,10 €
-De mais de 25 cabalos fiscais.	83,30 €	1,4	116,62 €
<b>E)Remolques e semiremolques arrastrados por vehículos de tracción mecánica:</b>			
-De menos de 1.000 e mais de 750 Kg. de carga útil	17,67 €	1,3	22,97 €
-De 1.000 a 2.999 Kg. de carga útil.	27,77 €	1,3	36,10 €
-De mais de 2.999 Kg. de carga útil.	83,30 €	1,4	116,62 €
<b>F) Outros vehículos:</b>			
-Ciclomotores	4,42 €	1,3	5,75 €
-Motocicletas ata 125cc.	4,42 €	1,3	5,75 €
-Motocicletas de mais de 125cc ata 250cc.	7,57 €	1,3	9,84 €
-Motocicletas de mais de 250cc ata 500cc.	15,15 €	1,3	19,70 €
-Motocicletas de mais de 500cc ata 1.000cc.	30,29 €	1,3	39,38 €
-Motocicletas de mais de 1.000cc.	60,58 €	1,3	78,75 €

2.-Para os efectos de facilitar a aplicación das tarifas, deberanse ter en conta a seguinte



normativa:

A) en canto a clasificación dos vehículos, o anexo II do Regulamento Xeral de Vehículos, aprobado polo Real Decreto 2822/1998, de 23 de decembro, que recolle nas súas letras "A", "B" e "C", as "Definicións", "Clasificación por criterios de Construción" e "Clasificación por criterios de utilización"

B) En canto a determinación da potencia fiscal, mediante as formulas recollidas no anexo V do referido Regulamento Xeral de Vehículos.

C) Os vehículos definidos como mixtos, todoterreo, mixtos adaptables, mixtos todoterreo, e furgón mixto adaptable e similares polo literal da clave numérica reflectido na ficha técnica, tributarán como turismo, pola súa potencia fiscal, agás nos seguintes casos:

- Se o vehículo está habilitado para o transporte de máis de nove persoas incluído o condutor, tributará como autobús.

- Se o vehículo estivese autorizado para transportar máis de 525 quilogramos de carga útil, tributará como camión.

D) Os vehículos denominados autocaravanas serán considerados furgonetas para os efectos de tributación.

E) Os furgóns, agás o mixto adaptable, tributarán como camiós.

F) As ambulancias e coches fúnebres tributarán como turismos.

G) Os cuatriciclos lixeiros tributarán como ciclomotores.

H) Os motocarros terán a consideración, aos efectos deste imposto, de motocicletas e, polo tanto, tributarán pola súa cilindrada.

I) Cando se trate de vehículos articulados tributarán simultaneamente e por separado o que leve a potencia de arrastre e os remolques e semirremolques arrastrados.

K) As máquinas autopropulsadas ou automotrices que podan circular polas vías públicas sen ser transportadas ou arrastradas por outros vehículos de tracción mecánica tributarán polas tarifas correspondentes aos tractores, quedando comprendidos, entre estes, os tractocamiós e camiós de obras e servizos.

L) Nos casos de vehículos nos que apareza na tarxeta de inspección técnica a distinción na determinación da carga entre MMA (masa máxima autorizada) e MTMA (masa máxima tecnicamente admisible), se estará, aos efectos da súa tarificación, aos quilos expresados na MMA, que corresponde á masa máxima para a utilización dun vehículo con carga en circulación polas vías públicas, conforme ao indicado no Regulamento Xeral de Vehículos. Este peso será sempre inferior ou igual ao MTMA.

3.-No caso de que nas Leis de Presupostos do Estado modificárase o cadro de tarifas recollido no artigo 95.1 do texto refundido da Lei Reguladora de Facendas Locais, aprobado por RD Lexislativo 2/2004, de 5 de marzo, os indicados coeficientes aplicaranse sobre as novas tarifas fixadas nas referidas Leis de Presupostos estatais.

### **Artigo 9.º.-Bonificacións.**

1.- Os vehículos de clase turismo, gozarán nos termos que se dispoñen, dunha bonificación do 50% na cota do imposto, durante os 3 períodos impositivos seguintes ao da súa matriculación, en función das características dos motores, a clase de combustible que consuma o vehículo e a incidencia da combustión no medio ambiente, sempre que cumpran as condicións seguintes:

a) Que se trate de vehículos híbridos (motor eléctrico-gasolina, eléctricodiesel o eléctrico-gas) que estean homologados de fábrica, incorporando dispositivos catalizadores, axeitados á súa clase e modelo, que minimicen as emisións contaminantes. Para a súa estimación, tomarase como referencia a base de datos elaborada polo Instituto de Diversificación e Aforro da Enerxía (idea), dependente do Ministerio de Industria, Turismo e Comercio.

b) Que se trate de vehículos de motor gasolina ou diesel, cuxa marca e modelo se inclúan entre os vehículos de máis eficiencia enerxética, con clasificación por consumo A), nos termos da Directiva Europea 1999/94/CE, do 13 de decembro e do Real Decreto 837/2002,

do 2 de agosto, segundo a Guía de Vehículos Turismo de venta en España, elaborada polo Instituto para a Diversificación e Aforro da Enerxía (IDAE), dependente do Ministerio de Industria, Turismo e Comercio, sempre que produzan emisións de CO<sub>2</sub> que non superen os 120 gr/km.

c) Que se trate de vehículos de motor eléctrico, alimentados por baterías, e/ou emisións nulas, de acordo coa información obtida do Instituto para a Diversificación e Aforro da Enerxía.

Os interesados deberán presentar a solicitude de bonificación con anterioridade a data do devengo do Imposto. En caso contrario, a concesión da bonificación terá efectos desde o período impositivo seguinte ao da solicitude.

Os interesados deberán aportar a ficha técnica do vehículo que acredite a súa inclusión nalgunha das categorías previstas neste apartado.

2.-Gozarán dunha bonificación do 100% na cota os vehículos históricos, ou aqueles que teñan unha antigüidade mínima de vinte e cinco anos contados a partir da data da súa fabricación, tomándose como tal, si esta non se coñecera, a da súa primeira matriculación o, no seu defecto, a data na que o correspondente tipo o variante deixou de fabricar.

Para poder gozar da bonificación, os interesados deberán instar a súa concesión indicando as características do vehículo, a súa matrícula e a antigüidade. Para estes efectos deberán acompañar á solicitude de bonificación os documentos que acrediten o cumprimento dos requisitos para gozar da mesma, ben por medio de copia compulsada da ficha técnica, o permiso de circulación do vehículo ou o certificado do fabricante ou de Industria respecto da data na que deixou de fabricarse o modelo en cuestión. No caso de vehículos históricos acreditarase aportando a catalogación como tal polo órgano competente da Comunidade Autónoma.

O peticionario deberá xustificar, así mesmo, estar ao corrente no pago do imposto mediante a exhibición dos recibos dos catro últimos exercicios ou certificado equivalente.

Os interesados deberán presentar a solicitude antes da data do devengo do imposto. En caso contrario a exención aplicase desde o exercicio seguinte ao da solicitude. Declarada a bonificación pola Administración tributaria local, expedirase un documento que acredite a súa concesión.

#### **Artigo 10.º.-Período impositivo e devengo.**

1.-O período impositivo coincide có ano natural, salvo no caso de primeira adquisición dos vehículos. Neste caso o período impositivo comezará o día no se produza a devandita adquisición.

2.-O imposto devégase o primeiro día do período impositivo.

3.-O importe da cota do imposto prorratease por trimestres naturais nos casos de primeira adquisición ou baixa definitiva do vehículo. Tamén procederá o prorrateo da cota nos mesmos termos nos supostos de baixa temporal por subtracción ou roubo do vehículo, e isto desde o momento no que se produza dita baixa temporal no Rexistro público correspondente.

#### **Artigo 11.º.-Xestión do imposto.**

1.-Nos supostos de adquisición e primeira matriculación dos vehículos o cando estes se reformen, de xeito que altere a súa clasificación aos efectos do presente Imposto, os suxeitos pasivos ou os seus representantes presentarán ante a administración con competencias na xestión é recadación do imposto, e con carácter previo a súa matriculación na Xefatura Provincial de Tráfico, no prazo de trinta días, que comezará a contar desde a data de adquisición ou reforma, autoliquidación do imposto, para o cal cumprimentarase o impreso no que se faga constar os elementos tributarios determinantes da cota a ingresar.

Acompañarase:

- Documentación acreditativa da compra ou modificación do vehículo.
- Certificado das Características Técnicas
- DNI o CIF do suxeito pasivo.

Simultaneamente á presentación da autoliquidación, o suxeito pasivo ingresara o importe da cota do Imposto resultante desta.

Esta autoliquidación terá a consideración de liquidación provisional, en tanto que pola Administración competente non se comprobe que aquela efectuouse mediante a correcta aplicación das normas reguladoras do Imposto. A oficina xestora, tras verificar que o pago fíxose na contía correcta, deixara constancia da verificación no impreso de declaración.

2. Nos supostos de vehículos xa matriculados ou declarados aptos para circular, o Imposto xestiónase a partir do Padrón anual.

As modificacións do censo fundamentaranse nos datos do Rexistro de Tráfico e nas Comunicacions da Xefatura de Tráfico relativas a altas, baixas, transferencias, reformas dos vehículos, sempre que se altere a súa clasificación a efectos deste Imposto, e cambios de enderezo.

O censo do Imposto expoñerase ao público por un prazo dun mes para que os interesados poidan examinalo e, no seu caso, formulalas reclamacións oportunas. A exposición ao público do Padrón anunciárase no Boletín Oficial da Provincia e producirá os efectos de notificación da liquidación a cada un dos suxeitos pasivos.

O prazo de ingreso das débedas de cobro por recibo notificadas colectivamente determinarase cada ano e anunciárase publicamente no Boletín Oficial de la Provincia e no taboleiro de anuncios do Concello.

Finalizado o prazo de pago voluntario sen que la débeda fora satisfeita, iniciarse o período executivo de recadación, o que comportará o devengo do recargo do 20% do importe da débeda non ingresada, así como o dos xuros de demora correspondentes. O devandito recargo será do 5% cando a débeda se ingrese antes de que fora notificada a providencia de constrinximento e do 10% cando se ingrese a totalidade da débeda non ingresada en período voluntario e o propio recargo antes da finalización do prazo previsto no artigo 62.5 da Lei 58/2003, de 17 de decembro, Xeral Tributaria.

3. Sen embargo, unha vez abonada a cota do Imposto, se algún contribuínte estimase que ten dereito á devolución poderá solicitala dentro do prazo determinado ao efecto e por algunha das causas previstas na Lexislación vixente.

4. En todo caso, a xestión, liquidación, recadación, inspección, así como a revisión dos actos ditados en vía de xestión tributaria corresponderá á Deputación da Coruña, por delegación deste Concello, cando o enderezo que figure no permiso de circulación do vehículo radique no termo municipal.

#### **Artigo 12.º.-Xustificación do imposto.**

1.-O pago do imposto acreditarase mediante o impreso de autoliquidación ou o recibo, debidamente validado pola Entidade recadadora.

2.-Quen soliciten ante a xefatura Provincial de Tráfico a matriculación ou a certificación de aptitude para circular un vehículo, deberán acreditar previamente o pago do imposto.

3.-Os titulares dos vehículos, cando comuniquen á Xefatura Provincial de Tráfico a reforma dos mesmos, sempre que altere a súa clasificación a efectos deste imposto, así como tamén nos casos de transferencia, de cambio de enderezo que conste no permiso de circulación do vehículo, o de baixa de ditos vehículos, deberán acreditar previamente ante a referida Xefatura Provincial o pago do último recibo presentado ao cobro do imposto, sen prexuízo de que sexa esixible, por vía de xestión e inspección, o pago de todas as débedas por dito concepto, devengadas, liquidadas, presentadas ao cobro e non prescritas. Exceptúase da referida obrigación de acreditamento o suposto das baixas definitivas de vehículos con quince ou mais anos de antigüidade.

4.-As Xefaturas Provinciais de Tráfico non tramitarán os expedientes se non se acredita previamente o pago do imposto, nos termos establecidos nos apartados anteriores.

#### **Disposición adicional única.**

As modificacións producidas pola Lei de Presupostos Xerais do Estado o calquera outra norma de rango legal que afecten a calquera elemento do presente imposto, serán de aplicación automática dentro do ámbito desta Ordenanza.

#### **Disposición final.**

A presente ordenanza fiscal foi aprobada polo Pleno da Corporación na sesión que tivo lugar o día \*\*/\*\*/2015, entrará en vigor no día da súa publicación no Boletín Oficial da Provincia e

comezará a aplicarse a partir do día 1 de xaneiro de 2016, continuando vixente en tanto non se acorde a súa modificación ou derogación expresa.

**Punto Décimo Primeiro.- Aprobación provisional da modificación da Ordenanza fiscal xeral de xestión, recadación e inspección dos tributos e doutros ingresos de dereito público do Concello de Ames.**

(.....)

Rematadas as intervencións, o Pleno da Corporación, por unanimidade dos seus membros presentes adopta os seguintes acordos:

**Primeiro.-** Aprobar provisionalmente a modificación da Ordenanza fiscal xeral de xestión, recadación e inspección dos tributos e doutros ingresos de dereito público do Concello de Ames, cuxo texto do artigo modificado figura como anexo I deste acordo.

**Segundo.-** Publicar o dito acordo de aprobación provisional, por prazo de 30 días hábiles a efectos de exame e reclamacións, mediante anuncio no BOP, taboleiro de edictos e nun diario dos de maior difusión da provincia.

Para o suposto de non presentarse reclamacións a aprobación provisional quedara elevada a definitiva de xeito automático, sen necesidade dun novo acordo plenario.

**Terceiro.-** O acordo definitivo, incluído o provisional elevado automaticamente a tal categoría e o texto íntegro da modificación, deberá publicarse no B.O.P., sen que entre en vigor ata que se leve a cabo dita publicación.

**Cuarto.-** Facultar ó alcalde do Concello de Ames, para cantas actuacións de trámite sexan precisas para a mellor execución do acordado.

## Anexo I

## Artículo 12º. Tramitación.

1.- A aplicación de exencións, bonificacións e reducións que procedan, efectuarase a petición de parte, coa xustificación documental que proceda.

2.- Será requisito previo para a concesión dunha bonificación ou exención tributaria que o suxeito pasivo beneficiario non teña débedas pendentes do pagamento co Concello, agás aqueles casos en que a bonificación, redución ou exención teña como motivo unha situación de emerxencia social acreditada mediante informe social emitido por persoal do concello.

Para inadmitir a bonificación ou exención, a débeda deberá estar en período executivo e acreditarse pola oficina de recadación municipal. Nos supostos de solicitude de fraccionamento, adiamento ou suspensión da débeda en período executivo, a resolución estimatoria da solicitude permitirá a admisión de peticións de bonificacións ou exencións, se ben o incumprimento de calquera dos prazos ou fraccións outorgadas dará lugar á perda automática do beneficio fiscal.

3.- O suxeito pasivo beneficiario de calquera exención ou bonificación tributaria deberá comunicar calquera variación que se produza nas circunstancias da súa concesión.

4.-Agás que a lei dispoña outra cousa, tales beneficios deberán instarse ó tempo de efectuar a declaración tributaria ou nos prazos establecidos na respectiva Ordenanza. Transcorridos ditos prazos, perderase o dereito a solicitar o beneficio fiscal para o exercicio correspondente.

A presente modificación da ordenanza foi aprobada polo Pleno da Corporación e entrará en vigor o día da súa publicación no Boletín Oficial da Provincia, permanecendo en vigor en tanto non se acorde a súa modificación ou derogación expresa.

**Punto Décimo Segundo.- Aprobación provisional da modificación da Ordenanza fiscal reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa.**

(.....)

Rematadas as intervencións, o Pleno da Corporación por maioría absoluta do número legal de membros, coa abstención dos/as 4 concelleiros/as do grupo municipal IC-Ames Novo e do concelleiro Francisco Javier López Suárez do grupo municipal Ciudadanos, e o voto a favor do resto dos/as concelleiros/as da Corporación Municipal, adopta os seguintes acordos:

**Primeiro.-** Aprobar provisionalmente a modificación da Ordenanza fiscal reguladora da Taxa por ocupación de terreos de uso público con mesas, cadeiras, tribunas, taboados e outros elementos

análogos, con finalidade lucrativa, cuxo texto figura como anexo I deste acordo.

**Segundo.-** Publicar o dito acordo de aprobación provisional, por prazo de 30 días hábiles a efectos de exame e reclamacións, mediante anuncio no BOP, taboleiro de edictos e nun diario dos de mais difusión da provincia.

Para o suposto de non presentarse reclamacións a aprobación provisional quedara elevada a definitiva de xeito automático, sen necesidade dun novo acordo plenario.

**Terceiro.-** O acordo definitivo, incluído o provisional elevado automaticamente a tal categoría, e o texto íntegro da Ordenanza ou da súa modificación, deberá publicarse no B.O.P., sen que entre en vigor ata que se leve a cabo dita publicación.

**Cuarto.-** Facultar o alcalde do Concello de Ames, para cantas actuacións de trámite sexan precisas para a mellor execución do acordado.

#### **Anexo I**

### **ORDENANZA FISCAL REGULADORA DA TAXA POR OCUPACIÓN DE TERREOS DE USO PÚBLICO CON MESAS, CADEIRAS, TRIBUNAS, TABOADOS E OUTROS ELEMENTOS ANÁLOGOS, CON FINALIDADE LUCRATIVA.**

#### **Artigo 1.º.-Natureza e fundamento.**

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 a 19 do texto refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, este Concello establece a taxa por ocupación de terreos de uso público con mesas, cadeiras, taboados e outros elementos análogos con finalidade lucrativa, que se rexerá pola presente ordenanza fiscal, que atende ao previsto no artigo 57 do citado RDLex. 2/2004.

#### **Artigo 2.º.-Feito imponible.**

Constitúe o feito imponible da taxa a utilización privativa ou aproveitamento especial do dominio público municipal polos conceptos que se sinalan no título da taxa.

#### **Artigo 3.º.-Suxeito pasivo.**

Serán suxeitos pasivos desta taxa as persoas físicas ou xurídicas e as entidades ás que se refire o artigo 35 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito imponible.

#### **Artigo 4.º.-Responsables.**

Responderán solidaria e subsidiariamente da débeda tributaria deste tributo as persoas ou entidades ás que se refiren os artigos 42 e 43 da Lei Xeral Tributaria, de acordo co previsto neles.

#### **Artigo 5.º.-Beneficios fiscais.**

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

#### **Artigo 6.º.-Cota tributaria.**

1. A contía da taxa regulada nesta ordenanza será a fixada nas tarifas contidas no apartado seguinte, atendendo á superficie ocupada polos aproveitamentos, expresada en metros cadrados.

2. As tarifas da taxa serán as seguintes, por cada metro cadrado de superficie ocupada e mes:

2.1. Para o período 1 de xuño-31 setembro: 3,42 euros/mes

2.2. Para o resto do ano: 2,28 euros/mes

2.3. Taxa mínima: 20,52 euros/mes

3. Para a aplicación do apartado 2 deste artigo terase en conta o seguinte:

a) Se o número de metros cadrados do aproveitamento non fose enteiro, redondearase por





3. Unha vez autorizada ou concedida a licenza de aproveitamento entenderase prorrogada mentres non presente a declaración de baixa do interesado.

4. Nos anos seguintes liquidarase mediante censo municipal.

5. Cando remate o aproveitamento, os suxeitos pasivos formularán as declaracións de baixa no censo da taxa e producirá efectos no período natural seguinte ó de presentación desta, podendo, no seu caso, ratearse por meses. A non presentación da baixa determinará a obriga de continuar pagando a taxa.

#### **Disposición adicional única.**

As modificacións que introduzan na regulación do establecido nesta ordenanza as leis de orzamentos xerais do Estado ou calquera outra lei ou disposición e que resulten de aplicación directa, producirán, de ser o caso, a correspondente modificación tácita da presente ordenanza fiscal.

#### **Disposición final**

A presente ordenanza fiscal foi aprobada polo Pleno da corporación na sesión que tivo lugar o día **11/12/2015**, entrará en vigor no día da súa publicación no Boletín Oficial da Provincia e comezará a aplicarse a partir do día 1 de xaneiro de 2016, continuando vixente en tanto non se acorde a súa modificación ou derogación.

#### **Punto Décimo Terceiro.- Aprobación provisional da Ordenanza fiscal da taxa pola utilización privativa ou aproveitamento especial do dominio público local mediante caixeiros automáticos.**

(.....)

Rematadas as intervencións, o Pleno da Corporación, por unanimidade dos seus membros presentes adopta os seguintes acordos:

**Primeiro.-** Establecer a Taxa pola utilización privativa ou o aproveitamento especial do dominio público local con caixeiros automáticos

**Segundo.-** Aprobar provisionalmente a Ordenanza Fiscal reguladora da Taxa por aproveitamento especial do dominio público local con caixeiros automáticos cuxo texto figura como anexo I deste acordo.

**Terceiro.-** Publicar o dito acordo de aprobación provisional, por prazo de 30 días hábiles a efectos de exame e reclamacións, mediante anuncio no BOP, taboleiro de edictos e nun diario dos de mais difusión da provincia.

Para o suposto de non presentarse reclamacións a aprobación provisional quedara elevada a definitiva de xeito automático, sen necesidade dun novo acordo plenario.

**Cuarto.-** O acordo definitivo, incluído o provisional elevado automaticamente a tal categoría, e o texto íntegro da Ordenanza ou da súa modificación, deberá publicarse no B.O.P., sen que entre en vigor ata que se leve a cabo dita publicación.

**Quinto.-** Facultar ó alcalde do Concello de Ames, para cantas actuacións de trámite sexan precisas para a mellor execución do acordado.

#### **Anexo I**

### **ORDENANZA FISCAL REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL CON CAIXEIROS AUTOMÁTICOS**

#### **Artigo 1.- Fundamento e natureza.**

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, este Concello establece a taxa por aproveitamentos especiais da vía pública con caixeiros automáticos adosados aos edificios e con acceso directo dende a vía pública a que se refire o artigo 20.3 do Real decreto legislativo 2/2004, do 5 de marzo.

#### **Artigo 2.- Feito impositivo.**



Constitúe o feito imponible da taxa o aproveitamento especial do dominio público que comporta a instalación polas entidades bancarias de caixeiros automáticos e demais aparellos de que se serven as entidades financeiras para prestar os seus servizos nas fachadas dos inmobles, con acceso directo dende a vía pública.

A obriga de contribuír nace polo outorgamento da concesión da licenza administrativa ou dende que se realice o aproveitamento se se fixera sen a correspondente licenza.

### **Artigo 3.- Suxeitos pasivos.**

Son suxeitos pasivos en concepto de contribuíntes, as persoas físicas ou xurídicas así como as entidades a que se refire o artigo 35.4 da Lei Xeral Tributaria, a cuxo favor se outorguen as licenzas ou quen se beneficie do aproveitamento, se se procedeu sen a oportuna autorización, e en calquera caso a entidade financeira titular do caixeiro automático.

### **Artigo 4.- Responsables.**

Responderán solidariamente da débeda tributaria as persoas ou entidades a que se refire o artigo 42 da Lei Xeral Tributaria.

Responderán subsidiariamente da débeda tributaria os administradores de feito ou de dereito das persoas xurídicas, os integrantes da administración concursal, e os liquidadores de entidades ou sociedades en xeral, nos supostos e co alcance que sinala o artigo 43 da Lei Xeral Tributaria.

### **Artigo 5.- Beneficios fiscais.**

Non se concederán máis exencións ou bonificacións que as expresamente previstas nas Leis ou as derivadas de tratados internacionais.

### **Artigo 6.- Cota tributaria.**

A contía da taxa regulada nesta ordenanza será de 709,88 euros por unidade de caixeiro automático e ano.

### **Artigo 7.- Devengo e período impositivo.**

A presente taxa ten natureza periódica, devengándose o primeiro día do período impositivo, que coincidirá co ano natural, salvo os supostos de inicio ou cesamento na utilización ou aproveitamento especial do dominio público local, casos en que procederá aplicar o prorrateo trimestral, conforme ás seguintes regras:

- a) Nos supostos de altas por instalación dun novo caixeiro automático, liquidarase a cota correspondente aos trimestres que restan para finalizar o exercicio, incluído o trimestre en que ten lugar a alta.
- b) En caso de baixas por eliminación do caixeiro automático, liquidarase a cota que corresponda aos trimestres transcorridos dende o inicio do exercicio, incluíndo aquel en que se orixina o cesamento. Cando a baixa teña lugar despois do devengo da taxa e xa fora abonada a cota, o suxeito pasivo poderá solicitar a devolución da cantidade que polo prorrateo da cota lle corresponda percibir.

### **Artigo 8.- Normas de xestión.**

1. As entidades interesadas na concesión dos aproveitamentos regulados nesta ordenanza deberán solicitar previamente a correspondente licenza para a instalación e formular declaración na que conste a localización do aproveitamento.
2. Unha vez concedida a licenza, ou cando se proceda ao aproveitamento aínda sen haberse outorgado aquela, o Concello xirará a liquidación tributaria que corresponda, sen que este feito presupoña a concesión da licenza.
3. O aproveitamento entenderase prorrogado mentres non se presente a baixa debidamente xustificada polo interesado. A tal fin, os suxeitos pasivos deberán presentar a oportuna declaración no prazo dun mes a contar dende a data na que se retire a instalación.
4. Nos seguintes exercicios o Concello practicará a liquidación da cota anual prevista no artigo 6 desta ordenanza mediante Padrón que será notificada colectivamente mediante edictos que así o advirtan ao suxeito pasivo do tributo para o seu pago nos prazos establecidos na Lei Xeral Tributaria.

### **Artigo 9.- Infraccións e sancións.**

No relativo á cualificación das infraccións tributarias así como á determinación das sancións que polas mesmas correspondan en cada caso, aplicarase o réxime establecido nos artigos 178 e

seguintes da Lei Xeral Tributaria e nas disposicións que a complementen e desenvolvan.

#### **Artigo 10.- Normas complementarias.**

No non previsto especificamente nesta ordenanza e que faga referencia á aplicación, xestión, liquidación, inspección e recadación destas taxas, estarase ao previsto na Lei Xeral Tributaria, así como nas disposicións ditadas para o seu desenvolvemento e demais lexislación vixente que lle sexa de aplicación, en especial a ordenanza fiscal xeral de xestión, recadación e inspección dos tributos e doutros ingresos de dereito público do Concello de Ames

#### **Disposición Transitoria Única.**

1. Para realizar as liquidacións correspondentes ao primeiro exercicio da imposición, os servizos tributarios municipais remitirán ás entidades financeiras escrito solicitando a relación dos caixeiros automáticos que cumpran as condicións establecidas no artigo 2.1 desta ordenanza fiscal, con especificación da súa ubicación.

2. A contestación ao escrito de solicitude da relación de caixeiros automáticos terá o carácter de declaración tributaria de alta en Padrón e os efectos do artigo 102.3 da citada Lei Xeral Tributaria.

3. Comprobada a relación, o Concello emitirá liquidacións que serán notificadas aos interesados na forma prevista nos artigos 109 e seguintes da Lei Xeral Tributaria

4. O incumprimento desta obriga será considerada como infracción tributaria leve das sinaladas no artigo 199 da Lei Xeral Tributaria e sancionada conforme ao disposto no Real Decreto 2063/2004 de 15 de outubro, que aproba o Regulamento Xeral do Réxime Sancionador Tributario.

#### **Disposición adicional.**

Os preceptos desta ordenanza fiscal que, por razóns sistemática reproduzan aspectos da lexislación vixente e outras normas de desenvolvemento, e aquelas en que se fagan remisións a esta, entenderase que son automaticamente modificados e/ou substituídos, no momento en que se produza a modificación dos preceptos legais e regulamentarios de que traen causa.

#### **Disposición Final.**

A presente ordenanza fiscal foi aprobada polo Pleno da Corporación na sesión que tivo lugar o día \*\*/\*\*/2015, entrará en vigor no día da súa publicación no Boletín Oficial da Provincia e comezará a aplicarse a partir do día 1 de xaneiro de 2016, continuando vixente en tanto non se acorde a súa modificación ou derogación expresa.

#### **C) PARA CONTROL DO GOBERNO.**

O señor alcalde anuncia a presentación de 4 mocións de urxencia, pasando de seguido a consideración das mocións incluídas na orde do día.

#### **Punto Décimo Cuarto.- Moción presentada polo grupo municipal Pacto x Ames, con rexistro de entrada núm. 11.395, de 17 de outubro de 2015.**

En relación a este punto da orde do día se anuncia emenda polo grupo municipal Ames Novo. Non obstante, chegadas as 12 da noite, o señor alcalde levanta a sesión, sen que chegue a votarse nin a emenda nin a moción orixinaria, quedando a mesma e os seguintes asuntos incluídos na orde do día para a seguinte sesión plenaria ordinaria.

E non habendo mais asuntos que tratar, o señor alcalde presidente deu por rematado o acto e levantou a sesión ás vinte e catro horas do día 29 de outubro de 2015, de todo o que eu como secretaria certifico.

Visto e prace  
O alcalde

A secretaria

